

關愛的故事



跨境上學

我叫明仔，同妹妹嗰嗰擺到單程証嚟香港，點知嚟到之後，先知阿爸喺香港仲有頭家，原來我仲有兩個同父異母嘅妹妹。

我同妹妹擺到香港身分證之後，阿爸就要我地返番深圳度住，不過就俾我地過嚟香港讀書，話學英文好啲，而且仲有幼稚園學券制，同埋十二年免費教育㗎。於是，我每日同妹妹跨境返學，隨身帶備身分證同回鄉卡，日日好似去旅行咁。

我聽人講，好似我地咁要跨境返學嘅學生，喺04至05年有3千幾人，今年已經有成6,000幾人，當中三分二嘅學生都經羅湖口岸過關。

每朝七點左右，我地就會喺深圳皇崗口岸出入境大堂聚集，我地每日都要自己出示證件、講自己嘅名，同跟住大隊，我地都變得好獨立、好大膽。而香港嘅老師就會等我地辦妥過關手續之後，點算人數，安排我地坐校車返學。

由於「羅湖道」路窄車多，每日上學時段交通都十分擠逼，加上果度又無行人路，真係好危險架。聽講話政府會擴闊羅湖道，將佢加闊為雙線行車，同加建行人路，希望工程可以盡快完成，方便我地呢啲小朋友返學啦，因為我真係好鍾意嚟香港讀書。

(423 字)